



MI ZAWNG ZAWNG A TÂN, AMAH PAWH MI ZAWNG ZAWNG TÂN

CHÂNGVAWN: “Mihring rawng ni lovin, Pathian rawngbâwl ang zâwkin, tihtakzetin rawngbâwl rawh u,” (Efesi 5:7, NIV).

Chhiar Tûr: Tirhkohte 2:42-47; Tirhkohte Thiltih, pp. 70, 71.

A Thu Zirtûr: Midangte kan tanpui theih nan Pathianin thil eng emaw bik tak tih theihna min pe.

In biak inah baptisma an changlai i hmu tawh em? Nangmah ngei pawhin baptisma chu i chang tawh a ni mai thei. Miin baptisma an changing an lungawi lo viau thin nge an hlim viau thin? Mi tam takin kohhran an rawn zawm avangin Kristian hmasate kha an lawm hle a.

LAWMNA avang leh ropui an tih em avangin zirtûrte chu an ri hlut hlawm a. Ringtu mithar 3,000 ngawt maiin ni khat lekah kohhran an rawn zawm ta a nia-han suangtuah vang vang teh! Heng ringthar tam zawkte hi Jerusalema rawn zin mek te an ni hlawm a. Hmun hla tak tak aţangin Jerusalem-ah Pentikos kut hmanġ tura lokal an ni hlawm a. Kut hman zawh veleha haw nghal vat tumte an ni deuh vek hlawm. Mahse hetiang a nih takah chuan, tamtakin an rilru an thlak hlawm a. Haw vat vat an hmanhmawh ta hlawm lo. Jerusalema cham khawmuang leh deuh an duh a. Zirtûrte hnen aţanga Isua chanchin an zir belh thei dawn a ni. Isua chanchin hriat belh chu an chak huam huam a ni ber mai e.

Jerusalem khuaa ringtute chuan ringtharte chu an ina thleng turin an sawm hlawm a. An ei in an in za a, an tawngtai hova, Pathian an fak ho bawk a.

Ringtu thenkhatte chu an hausa a, a thene chu an rethei thung a. Midang leh te chu Kristian an nih avangin an chhungten an hnawt chhuak a, engmah an nei lo a. Tichuan ringtu thenkhatte chuan an ro thilte an hralh a, midangte an tanpui hlawm a.

An thil neih chu an inţawm vek a. He khawvel thilte hi an ngai hlu tawh lo. Thlan aţangin Isua chu a tho ngei tih an ring nghet tlat a. Rei rial lovin a lokal leh thuai an beisei tlat a. Beiseina leh hmangaihna an khat liam a ni ber mai.

Ringtute chu Thlarau Thianghlimin an khat a, beiseina leh hmangaihna an neih chu midangten hre ve se an ti ngawih ngawih a. Thil mak tak takte ti turin Thlarau Thianghlim chuan ringtute chu a hmanġ hlawm a.





Chutih hunlai chuan Jerusalem kuaah hian chanchin but e, radio te leh TV te a la awm lova. Chuti chung chuan Kohhran hmasate chanchin chu a darh chak viau tho mai. Tupawh mai chuan chanchin tha lawmawm em em mai chungchang chu an sawi huai huai a.

“Tukin zinga Temple kawta thil thleng chanchin kha I lo hre ve em?” tiin an in zawt kual a.

“Kan thenawm chiah a mi kha i hria em? A pian tirh atanga ke zeng kha? Nimin lawka kha nu chung thil thleng kha ka hrilh ang che!” ti an awm bawk a.

Midang leh in, “Enge ka hmuh i hria em?” te an ti bawk a.

Kohhran hmasate chuan Pathian thu an zirtir thin a. An hriat ang ang te hlim takin an inhrilh chhawng zel a. Chaw an ei khawm fova, LALPA Zanriah pawh an kol ho fo bawk a. Nitin mai chu Pathian tawngtaia biakna ni leh Amah fakna ni a ni reng mai. Nitinin mithar, Isua chanchin lo hre thar an awm ziah bawk a. Nitin mitharin kohhran an rawn zawm belh

zel a.

Isua Krista kohhran din, kan kohhran ni mek hian hetiang chiah hian tunlai pawh hian a ti ve tur a ni. Ringtute chuan midangte Pathian thu zirtirin, lawm takin an thil hriatte an inhrilh tawn tur a ni. Chawhluite kil hovin, rawng kan inbawlsak tawn tur a ni a. A huhovin kan tawngtai in LALPA kan fak ho tur a ni. Tichuan chhandam mekte chu min rawn belh zel dawn a ni.

TIHTÛRTE

Sabbath

- Hmanlai Kristianho kha chuan in hmuhkhawma hun hman ho nuam an ti a. A remchan chuan, chhungkua dangte nen in hmuhkhawma hun siam ula, tichuan i zirlaia thawnthute in hrilh ve dawn nia.
- Hmanlai Kristianho chu an inpui tawn thin a. Vawiin hian, nangni pawh inpui tawn teh u. Mi dangte puitheia, in awm avangin lawmthu sawi ang che u.

Sunday

- *Tirhkohte 2:42:47* hi In chhûngte nen chhiarin sawiho teh u. Hmanlai Kristianho thiltih thinte ziak ula, a engber kha nge i tih ve chak? Chuan in chhungin? Eng emaw in chhungkua a, in tih chakho kha ti teh u.
- Thinlung lem lian tak ziak ula, chutah chuan in chângvawn ziak ula, chu chu chepsawm teh u. Remkhawm leh ula, chuan in chângvawn kha sawi rawh u. Hemi hmang hian in chhûngte in zirtir ve dawn nia.

Thawhtanni

- *1 Johana 3:17,18* hi wawiin chhung inkhawm laiin chhiarin sawiho teh u. Engte nge Isuan ti tura min duh? In kut hmangin engtin nge wawiin hian mi in puihtheih? In thiltawnte chhung inkhawmah in hrilh ve dawn nia. Wawiin a in mi puihte Pathian awmpuina dilsak rawh u.
- Chawlhni leh chu picnic emaw chaw dangdai deuh buatsaih turin In chhûngte zawt teh. Insiam a nih chuan, mi tu emaw in kianga ei turin in sawm dawn nia.
- In kohhrana puitlingho kha zawhna han zawt teh u. Kohhrana an tângkai dan zawt ula, eng thil thlawn pekte nge an hman tângkai ve zawt rawh u?

Thawhlehnî

- *Tirhkohte 2:42, 43* hi In chhûngte nen chhiarin sawiho teh u. Kristian hmasate thiltih kha ziak chhuak ula, engte nge in tih ve theih?
- Zirtîrte kha ti nge mipuite khan ngaihsan hmel deuhin an thlir? Ngaisang tih thu hi en Chiang ula, chuan in thil ngaihsan deuh han ngaihtuah chhuak teh u. A lem in ziak dawn nia.
- Isua chanchin a thilthar tu emaw wawiin hian zirtir teh u.
- In kohhranah mi engzat nge awm hriat han tum teh. In Pastor leh memberho tan in tawngtaisak dawn nia.

Nilainî

- Chhung inkhawm laiin *Tirhkohte 2:44,45* hi chhiarin sawiho teh u. Midangte engnge in pek ve turte chu? In kohhranin, khawtlang tanah rawn in bawlnah ah engnge in tih ve theih? In chhûngte hnenah midangte in puihtheih dan zawt rawh u.
- Pathianin in chhungkua tanah thil a pek tawh zawng zawng che u ah lawmthu sawi ula, chuan nangmah mamawhtu hnenah a hruai thlen theih nan che tawngtai rawh u.

Ningani

- Wawiin chhung inkhawm atan *Tirhkohte 2:46, 47* hi chhiarin sawiho teh u. Ringtu hmasate tihdan angin, inkhawm naah Pathian fak rawh u. An hla duh theuh kha thlantir ula, chuan Pathian faknan thinrik siam teh (bur ruakah lungte emaw be ro dah rawh). In zai laiin thingri ula, rimawi tatak tak min petu Pathian hnenah lawmthu sawi ang che u.
- Wawiin hian mitu emaw in chhunga mi tan thiltaha tihsak ula. Nangmahni leh Pathian inkara thuruk chu vawng tlat rawh u.

Zirtawpni

- *Tirhkohte 2:42,47* hi In chhûng inkhawm laiin chhiarin sawiho teh u. Hmanlai ringtu ten an kohhrana an tih thin nia in rin, in chhungin ngaihtuah rawh u.
- Tawngtai hmain, in chângvawn kha enawnho rawh u. Thlarau Thianglim chawlhni leh nitin a, in hnea awm turin, Pathian dil rawh u.

PUZZLE

MI ZAWNG ZAWNG TÂN

KÀWHHMÙHNA: A hnuaiá thíl lem hrang hrangte hi chík takin én la, Sâṭṭawnga hriat thèih túm la. [Indawt lo vin hêngte hi an ni: PRAISES, JERUSALEM, HOUSES, ATE, HOLY SPIRIT] I hriat húnah ding lama âwlah hian i ziaak zêl dâwn nia. Tichuan rîn chhûnga hawrawp awm zêl chu chhùk zâwnga indâwtin la chhâwng la, tû vânga kòhhran hi hmangaih tûr nge kan nìh i hrêthei mai ang. Sâṭṭawnga ‘Isua’ hmíng a ni ang!

1. Judate khawpui hmíng
2. Thíl éi tàwh tìhna
3. Thlarau Thianghlím sawina
4. Chênna In pakhat âia tam sawina
5. Pathian hnêna hlán ṭhín

